

# AN BORD PLEANÁLA

## Na hAchtanna um Pleanáil agus Forbairt, 2000 go 2014

### FÓGRA FAOI IARRATAS AR CHEADÚ CHUIG AN MBORD PLEANÁLA I LEITH FORBAIRT TARCHUIR LEICTREACHAIS A BHEARTAÍTEAR

#### Contae Mhuineacháin, Contae an Chabháin agus Contae na Mí

De réir Alt 182A den Acht um Pleanáil agus Forbairt, 2000 (arna leasú), tugann EirGrid cpt, le cead agus ceadú Bhord Soláthair an Leictreachais (BSL), fógra go bhfuil sé beartaithe aige ceadú a lorg ón mBord Pleanála le haghaidh fhorbairt na coda sin d'idirnascaire trasteorann tarchuir leictreachais a thógtar in Éirinn (agus dá ngairtear 'an Fhorbairt Idirnasctha Thuaidh-Theas 400 kV a bheartaítear').

Leis an idirnascaire iomlán (thart ar 138 km ar fad, lena mbeidh thart ar 34 km de lonnaithe i dTuaisceart Éireann), nascfar gréasáin tarchuir leictreachais reatha Thuaisceart Éireann agus na hÉireann idir Turleenan, Contae Thír Eoghain agus Fearann na Coille, láimh le Baile an Bhóthair, Contae na Mí. Sainaitníodh an t-idirnascaire seo mar Thionscadal Comhleasa de bhun fhorálacha Rialachán (AE) Uimh. 347/2013 ó Pharlaimint na hEorpa agus ón gComhairle an 17 Aibreán 2013 maidir le treoirínte le haghaidh bonneagair tras-Eorpaigh fuinnimh.

An Fhorbairt Idirnasctha Thuaidh-Theas 400 kV a bheartaítear, a bheidh ina hábhar don iarratas ar cheadú, tá sí thart ar 103.35 km ar fad agus cuimsítear léi na príomhghnéithe seo a leanas:

- (i) Líne tharchuir lasnaide 400 kV nua ciorcaid shingil (a chlúdóidh thart ar 100.5 km ar fad i gContae Mhuineacháin, i gContae an Chabháin agus i gContae na Mí) a shínfidh ó dheas den chuid is mó ag an teorainn dlínse le Tuaisceart Éireann (idir baile fearainn Doohat nó Crossreagh, Contae Ard Mhacha, agus baile fearainn na Léime Giorra, Contae Mhuineacháin) go baile fearainn Bogganstown (Toghroinn Chúil Mhaoilín), Contae na Mí. Ina theannta sin, trasnaíonn an líne tharchuir a bheartaítear an teorainn dlínse le Tuaisceart Éireann in dhá áit – ó bhaile fearainn na Léime Giorra, Contae Mhuineacháin, isteach i mbaile fearainn na Croise Báine, Contae Ard Mhacha, agus ar ais go baile fearainn na Léime Giorra, Contae Mhuineacháin. Cuimseoidh an líne tharchuir sin 299 struchtúr tacaíochta cruach laitíse nua (atá idir thart ar 26 m agus 51 m os cionn leibhéal na talún), mar aon leis na seoltóirí, na hinslitheoirí agus an ngaireas eile lena mbaineann. Leathnóidh an líne nua tharchuir a bheartaítear ar fud na mbailte fearainn seo a leanas i gContae Mhuineacháin, i gContae an Chabháin agus i gContae na Mí:

**Contae Mhuineacháin:** An Léim Ghearr, Lios Dúin Ghormaíle, Achadh na gCloch, Leacht na Caillí, an tEasán, an Caiseal, an tEanach (Barúntacht Chríoch Mhúrn), Carraig an Iúir, Clár Doire, Corr na Muclach Thuaidh, Doire Shalach (Barúntacht Mhuineacháin), Droim Rúisc, an Charraigeach Ramhar, Corr na nIúr (Barúntacht Mhuineacháin), Gamhscair, Tír Uí Ghréacháin, Corr na Muclach Theas, Críonchoill, an Clochar, Droim gColbha Íochtarach, Droim Thamhain, an Ghréach (Barúntacht Chríoch Mhúrn), an Bhreacraigh (Barúntacht Chríoch Mhúrn), Tulaigh na hInneora, Cúil Troim Éigis, Barrachadh, Achadh Mhic Céir, Droim Iolaird (Barúntacht Chríoch Mhúrn), Tuath, Tulaigh Ghlais, Corr na Sasanach, Corr an Fheannta, an tIomaire Fraoigh, na Srianta, Ardráth, Corr an Bhealaigh (Barúntacht Fhearnaí), Ráth Fiachrach, Corr na Láithreach, an Dumha, an Chorr Liath (Toghroinn Dhroim Chora), Scallchoill agus Bealach na gCeithearn.

**Contae an Chabháin:** Lios Uí Ghabhann, Drumiller, an Chorr Liath (Barúntacht Chlann Chaoich), Corr na mBeach, an Chorr Ghlas (Toghroinn Lios Uí Ghabhann), Collops, Dingin, Corrycholman, Leitir (Toghroinn Lios Uí Ghabhann), an Chorr Dhúch (Toghroinn Inis Caoin), Laragh, Corr an Aoire (Toghroinn Inis Caoin), Carrowreagh, Clonturkan agus Balloughly.

**Contae na Mí:** Bóthar Liath, Moorlagh, Tullyweel, Lislea, Achadh Mór, Shancor, Towas, an tÉadan, Buíonach (Toghroinn Chill Mhaighneann), Allt Maise (Toghroinn Bhaile Chrúis), Baile Chrúis (Toghroinn Bhaile Chrúis), Brittas, Ráth Úd, Raffin, Clooney, Baile an Drácaigh, Mountainstown, Dústún (Toghroinn Bhaile an Chaisleáin), Fletcherstown, Cluain an Ghaill, Baile Órthaí, Diméin Bhaile Ghib, Tailtin, Caisleán Mháirtín, Tankardstown (Toghroinn Ard Breacáin), Grange (Toghroinn Ard Breacáin), Durhamstown, Neillstown (Toghroinn Ard Breacáin), Baile an Bhiataigh (Toghroinn Ard Breacáin), Ongenstown (Toghroinn Ard Breacáin), Baile na nGael (Toghroinn Ard Breacáin), Halltown, Baile an Teampaill, Philpotstown (Toghroinn Bheighthí), Rataine, Dunlough, Balbrigh, Dunganny, Ráth an Eallaigh, Trubley, Knockstown (Toghroinn Chill Chúile), Knockstown (Toghroinn Chill Mheasáin), Creroge, Crumpstown nó Marshallstown (Toghroinn Ghalltroma), Branganstown, Boycetown, Galltroim, Baile Mháirtín (Toghroinn Ghalltroma), Derrypatrick, Cúil Mhaoilín, Baile na Coille (Toghroinn Chúil Mhaoilín), Curraghtown (Toghroinn Chúil Mhaoilín), agus Bogganstown (Toghroinn Chúil Mhaoilín).

Áirítear leis an bhforbairt a bheartaítear forbairt i gceantar Gaeltachta, lonnaithe sna bailte fearainn seo a leanas: Cluain an Ghaill, Baile Órthaí, Diméin Bhaile Ghib agus Tailtin (atá go léir i gContae na Mí).

- (ii) Ciorcad 400 kV nua a shínfidh thart ar 2.85km feadh an taoibh thuaidh nach bhfuil á úsáid faoi láthair den líne tharchuir 400 kV atá ann cheana idir an tSeansráid agus Fearann na Coille, a shínfeadh soir ó bhaile fearainn Bogganstown (Toghroinn Chúil Mhaoilín) a fhad le Fostáisiún Fhearann na Coille 400 kV de chuid BSL atá ann cheana i mbaile fearainn Fhearann na Coille, Contae na Mí, agus a thrasnóidh na bailte fearainn seo a leanas i gContae na Mí: Bogganstown (Toghroinn Chúil Mhaoilín), Curraghtown (ED Chúil Mhaoilín), Hayestown, Creemore agus Fearann na Coille. Na struchtúir thacaíochta cruach laitíse chiorcaid dhúbailte atá feadh na líne sin atá ann cheana, tá siad éagsúil ó thaobh airde de, ó thart ar 52 m go 61 m os cionn leibhéal na talún.
- (iii) Oibreacha gaolmhara ar shuíomh atá thart ar 0.544 ha ar achar laistigh d'Fhostáisiún Fhearann na Coille 400 kV de chuid BSL atá ann cheana agus fíorchóngarach dó i mbaile fearainn Fhearann na Coille, Contae na Mí, lena n-áirítear: síneadh an bhábhúin atá ann cheana siar (thart ar 0.231 ha), lena n-áirítear mionathruithe gaolmhara ar an gcláí pailíse 2.6 m ar airde atá ann cheana; trealamh leictreach agus gaireas leictreach a chur leis, lena n-áirítear scoradán ciorcaid, claochladáin srutha, claochladáin phoitéinsil ionductacha, dínascáirí, lasca dínascatha pantagraif, coscairí borrrtha, inslitheoirí tacaíochta agus barraí inslitheora tacaíochta (a bheidh idir thart ar 7.4 m agus 13.7 m ar airde); struchtúir dhroichid (thart ar 28 m); aeróg aonpholach thintrí (thart ar 28 m) agus na hoibreacha gaolmhara agus coimhdeacha tógála agus forbartha suímh uile.

- (iv) Clós stórála sealadach gaolmhar le haghaidh ábhar tógála a bheidh suite i mbailte fearainn Mhuinilte Dubh agus Mhuinilte Bán, Carraig Mhachaire Rois, Contae Mhuineacháin, ar láithreán atá thart ar 1.42 ha ar achar, lena n-áirítear oibreacha gaolmhara suímh, bealach isteach nua chuig an láithreán ar Bhóthar Áitiúil an L4700, fálú gaolmhar pailise teorann a bheidh 2.6 m ar airde (agus bacainn torainn air) agus áiseanna gaolmhara coimhdeacha agus spásanna gaolmhara coimhdeacha páirceála don fhoireann.
- (v) Na hoibreacha forbartha gaolmhara agus coimhdeacha ar fad lena n-áirítear modhnuithe do línte tarchuir lasnairde reatha agus oibreacha eile buana agus sealadacha tógála agus tochailte.

Cuireadh Ráiteas Tionchair Timpeallachta (EIS) agus Ráiteas Tionchair Natura (NIS) araon i dtoll a chéile i leith na forbartha a bheartaítear. Chomh maith leis sin, d'ullmhaigh EirGrid cpt agus SONI Ltd Comhthuarascáil Chomhshaoil (JER) i leith an idirnascaire fhoriomláin ó Chontae Thír Eoghain go Contae na Mí, agus tugadh aird chuí ann ar *Guidance on the Application of the Environmental Impact Assessment Procedure for Large-scale Transboundary Projects (Treoir maidir le Feidhmiú an Nóis Imeachta um Measúnacht Tionchair Timpeallachta do Thionscadail Mhórsála Trasteorann)* ón gCoimisiún Eorpach (Bealtaine 2013).

Is dócha go mbeidh tionchar suntasach ag an bhforbairt a bheartaítear ar an gcomhshaoil i mBallstát den Aontas Eorpach (i.e. Ríocht Aontaithe na Breataine agus Thuaisceart Éireann).

Féadfar iniúchadh a dhéanamh ar chóip den iarratas ar cheadú (agus ar an EIS, ar an NIS agus ar an JER) saor in aisce, nó féadfar iad a cheannach i ndiaidh táille shonraithe a íoc (nach mó é ná an costas réasúnta a bhaineann le cóip a dhéanamh) le linn na n-uaireanta oscailte don phobal ó Luan go hAoine (lasmuigh de laethanta saoire poiblí) ar feadh tréimhse **xxxx** seachtaine, ag tosú an **XXXXXX** sna háiteanna seo a leanas:

- Oifigí an Bhoird Phleanála, 64 Sráid Mhaoilbhríde, Baile Átha Cliath 1,
- Oifigí Chomhairle Chontae an Chabháin, Sráid Fhearnáin, an Cabhán, Contae an Chabháin,
- Oifigí Chomhairle Chontae na Mí, Halla an Chontae, an Uaimh, Contae na Mí, agus
- Oifigí Chomhairle Contae Mhuineacháin, Oifigí an Chontae, an Gleann, Bóthar an Ghleanna, Muineachán, Contae Mhuineacháin.

Ina theannta sin, féadfar iniúchadh a dhéanamh ar chóip den iarratas ar cheadú agus ar an EIS, ar an NIS agus ar an JER sna háiteanna seo a leanas ar feadh tréimhse **xxxx** seachtaine ag tosú an **XXXXXX**:

- Ionad Faisnéise an Idirnasctha Thuaidh-Theas, Teach Oibre Charraig Mhachaire Rois, Bóthar Shearcóige, Carraig Mhachaire Rois, Contae Mhuineacháin,
- Ionad Faisnéise an Idirnasctha Thuaidh-Theas, 10a Teach Uí Chinnéide, Bóthar Uí Chinnéide, An Uaimh, Contae na Mí, agus
- Ionad Faisnéise an Idirnasctha Thuaidh-Theas, Óstán Tí Dhún a Rí, Bóthar an Stáisiúin, Dún an Rí, Contae an Chabháin.

Le socrú a dhéanamh féachaint ar na cáipéisí iarratais (lena n-áirítear an EIS, an NIS agus an JER) sna háiteanna thuasluaite, glaigh ar: Íosghlao 1890 25 26 90 (9am go 5pm ó Luan go hAoine) nó seol ríomhphost chuig: [northsouth@eirgrid.com](mailto:northsouth@eirgrid.com).

Féadfar na cáipéisí iarratais (lena n-áirítear an EIS, an NIS agus an JER) a fheiceáil nó a íoslódáil ar an suíomh gréasáin seo a leanas: [www.eirgridnorthsouthinterconnector.ie](http://www.eirgridnorthsouthinterconnector.ie).

Féadfar aighneachtaí agus tuairimí a chur chuig an mBord Pleanála ('an Bord'), 64 Sráid Mhaoilbhríde, Baile Átha Cliath 1 le linn na tréimhse **xxxx** seachtaine dá dtagraítear thuas, ina leith seo a leanas:

- (i) Impleachtaí na forbartha a bheartaítear maidir le pleanáil cheart agus forbairt inbhuanaithe sna limistéir lena mbaineann, agus
- (ii) Tionchar dóchúil na forbartha a bheartaítear ar an gcomhshaoil nó drochthionchar na forbartha a bheartaítear ar shláine láithreáin Eorpaigh, má thógtar í.

Ní mór táille €50 a chur le haon aighneachtaí agus aon tuairimí (ach amháin i gcás údarais fhorordaithe áirithe) agus ní mór go mbeidís ag an mBord tráth nach déanaí ná **5.30pm an XXXXX** agus ní mór an fhaisnéis seo a leanas a bheith san áireamh iontu:

- (i) Ainm an duine atá ag cur na haighneachta nó na tuairime isteach, ainm an duine atá ag gníomhú ar a shon nó ar a son, más ann dó, agus an seoladh ag a bhfuil aon chomhfhreagras i dtaca leis an iarratas le cur,
- (ii) Ábhar na haighneachta nó na tuairime, agus
- (iii) Na cúiseanna, na cúinsí agus na hargóintí is ábhar don aighneacht nó don tuairim, ina n-iomláine (dá dtagraítear in Airteagal 217 de na Rialacháin um Pleanáil agus Forbairt).

Ní féidir leis an mBord breithniú a dhéanamh ar aon aighneachtaí ná tuairimí nach gcomhlíonann na ceanglais thuas. Ba cheart aon fhiosrúcháin i leith phróiseas an iarratais a phlé leis an Rannóg um Forbairt Bonneagair Straitéisigh de chuid an Bhoird Phleanála (Uimhir Ghutháin: 01-8588100). Beidh sé faoi lánrogha an Bhoird a chinneadh cé acu a réachtálfar nó nach réachtálfar éisteacht ó bhéal ar an gcás (le haghaidh tuilleadh sonraí, feic 'A Guide to Public Participation in Strategic Infrastructure Development' ('Treoir maidir le Rannpháirtíocht an Phobail i bhForbairt Bonneagair Straitéisigh') ar shuíomh gréasáin an Bhoird [www.pleanala.ie](http://www.pleanala.ie)).

Féadfaidh an Bord na cineálacha cinnidh seo a leanas a dhéanamh, faoi alt 182B den Acht um Pleanáil agus Forbairt, 2000 (arna leasú), i leith an iarratais:

- (a) An forbairt a bheartaítear a cheadú,
- (b) Na mionathruithe a shonraíonn sé sa cheadú a dhéanamh ar an bhforbairt a bheartaítear agus an forbairt a bheartaítear arna mionathrú amhlaidh a cheadú,
- (c) An forbairt a bheartaítear (agus í mionathraithe go sonrath nó gan mionathruithe sonracha de réir an chineáil roimhe seo) a pháirtcheadú, nó
- (d) Diúltú an forbairt a bheartaítear a cheadú

agus féadfaidh sé na coinníollacha sin a mheasann sé a bheith iomchuí a cheangal le ceadú faoi (a), (b) nó (c) thuas.

D'fhéadfadh duine bailíocht aon chinnidh den chineál sin arna dhéanamh ag an mBord a cheistiú trí bhíthin iarratais ar athbhreithniú breithiúnach, faoi Ordú 84 de Rialacha na nUaschúirteanna 1986 (I.R. Uimh. 15 de 1986 arna leasú le I.R. Uimh. 691 de 2011), de réir fhorálacha an *Achta um Pleanáil agus Forbairt, 2000* (arna leasú). Is féidir

faisnéis phraiticiúil maidir leis an meicníocht athbheithnithe a rochtain faoin gceannteideal 'Foilseacháin – Fógra faoi Athbheithniú Breithiúnach' ar shuíomh Gréasáin an Bhoird [www.pleanala.ie](http://www.pleanala.ie), nó ar shuíomh Gréasáin na Seirbhíse um Fhaisnéis do Shaoránaigh [www.citizensinformation.ie](http://www.citizensinformation.ie).

**Síithe:** \_\_\_\_\_

(Thar ceann Eirgrid plc)

RPS Planning & Environment, Campas Gnó na Cé Thiar, Dún Laoghaire, Contae Bhaile Átha Cliath

**Dáta Foilsithe an Fhógra:** XXXXX